

ادبیات کمونیستی بخاری

هفته‌لق سیاسی، علمی و ادبی غزته‌دو

جلد : ۲

سنه : ۲ ۲ محرم ۱۳۳۶ جمعه ایرتسی ۲۰ تشرین اول ۱۹۱۷ نومبر ۷ — ۳۸

اجال افکار

مجموعه من کارلینک و استادلرینک سایه رغبتلرنده، بونسخه سیه ایکنجی سال خدمتی ادراک ایدیور. مقصد من مسلک فروشلفدن، اورته یه سلیقه منزه، سجه منزه متناقض برشی قویلدن پک اوزاقدی. هر طرز ادبی مظهر قبول ایتک، هر اثر نفیس وجدی به بر واسطه انتشار اولقی غایه منی تشکیل ایتدیکندن تمبشاعزده موفق بالخر اولدی. مطبوعات حاضره ایچنده بر موقع طوتدق و احبازک عددی کتدکجه آرتدی.

شونی ادما ایده بیلیرز که اساتید عرفان، هیچ بروقت، نشریات موقوتهدن برینی صحابته بوقدر اتحاد ایتمه مشلردی. اک بیوک واک مقدس مقصد من، تعبیر جائزه حرص — عن ماله داخل اولدیغمز بو دور نوین تاریخیده، بو «ره‌سانس» ی آکدیران و آکا بکرزه‌مه‌سی آرزو اولونان زمانده مظهر اولدیغمز واوله جغمز ترقیات فکریه‌ی تثبیت و ممکنسه تسهیل ایتکدر.

اوت ! مفکره من فائل تیفظ اولدی. حرب عالمشمول حاضر، هرملتی ده‌ا شدتلی، ده‌ا متادی بر فعالیت کتیردی. اسکی رخاوت و عطالته، اسکی تسلیمیت فکریه‌یه، اسکی منقولاته، اسکی عبودیت روحیه‌یه آرتق امکان و درمان یوق. سوائقی اقتصادی، عوامل سیاسی، اسباب عسکریه بتون ملتلی — و بناء علیه بریده — قدیمندن پک فضله برسی ایله انحطاط و سقوط آره‌سنده تحیر ایدیور. سعی تنظیم ایدن ایسه فکر در. ایشته، [ادبیات عمومی مجموعه‌سی] بوفکرک حرکاتی، استقامتی، طرز سریانق قابل اولدینی مرتبه‌ده یاقیندن تعقیب ایتیه، جریانلری، آنلرک جید و مغشوشنی کارلرینه کوسترمه‌ی کندیسنه وظیفه اتخاذ ایدر.

مجموعه، صاحب‌لرندن زیاده کارلرینک ملکیدر. آنلرک افکار و تمایلات وسطیه‌سنی صادقانه تلقی ایله توضیح ایتک کندیسنک بر بورجیدر.

ایشته بو حکمته مینیدر که ده‌ا کچن نسخه‌لر مژدن بدأ ایله تاریخ حزبی بر — تاریخ حرب

تاریخ ادبیات دورلرنده کیزلی و خصوصی شخصیتلرک بتون خطوط سیاسی تعیننه وقتی یوقدی؛ شعرلرک تسلسل صفحاتیه فضله مشغول دکدی، مع مافیه ندیم و فضولی کبی حالا صیحا و قتره تحسسلر ایچنده یاتان صنعتکارلری، درین برادی ذوق ایله سه ویوردی؛ حتی اونشویه مستغرق برجوق فنل وقصیده حاضر لامشدی؛ سوکیلی ارقداشی محترم معلم سراج الدین بک، صمیمی حیاتی متحسس وذی حیات اسلوبیه جانلاندیریورکن بلکه تیز عشقندن پنه لشن طاقلی حسلرینه و مکتوبلرینه ده محرم اولاجنز! (Esthétique) ایضاحانه مراقلی ایدی. بروسه غزته سنده چیقان مکتوبیه ثروت فنونده کی (بر ایکی سوزدها) سی دقتلی تحلیل وثیقه لرینی حائزدر. هر شاعرک تأثرینی؛ تربیه سی، معلوماتی، زمانی و مکانیه متناسب کوریوردی؛ فکر نیجه هپسنگ تبدلی، شعره باشقه مجرا کشادیچون کافیدی؛ شرائط اجتماعی، درین بر انقلاب کچیرمش ایکن ذکای صنعتک توقفی، ماضیه اسارتی قابل اولامازدی؛ یکی تأثراتی بعضاً اسکی الفاظه بیه تودیع ایده میوردق؛ شعر تحسسلرینی دویمق ایچون کله لرک کفایتنه قانع دکدی؛ لاهوتی هیجانله ایجه لهن صنایع نفیسه، فکر نیجه قبا و علی العاده ذکاردن دائماً اوزاق فضالرک فوقنده قاله جقدی.

حیاتک سرائرینه عابد شبهه لری؛ اعصابی خیر پالایان بر زلزله اولمادی؛ ایمان آتشی، بتون افکاره آشنا تردد لرینی یاقیوردی. وجودلر «فنایه دوشنبه» روح اوکنده کی قالدن و قاراکلق پرده لرک ماورایی منور کورینه جکدی. «صفحه هستیده» مطلق عدم حسزلکنه هیچ احتمال یوقدی؛ الهی قناعتلرنده هپ بقا امیدی و اطمینانی کوریوردیم. اجتماعی مسائله عابد فکرلرنده ایضاحه لایق تلقیلری وار؛ بونلره متفرع آمالی و اثرلری باشقه بر مقاله یه موضوع اولاییلر. شیمدی هر نوع اعتراضه قارش بوضوک فکر ایله اکتفایی موافقی بولیورم؛ سامی بک «مملکتک فنا عقامت ذهنیه سی آراسنده»، فیض حیات ایله دولو و هر حالده یوکسک عفتی حائز بر متفکر دی. بتون روحلر، ابدی افولی ایچون آغیر و آجی بحرانی اذا هجرانی حس ایتلیدر.

سلیمایه شوکت

وندیک [*]

اسپانیول و پورتکیز جریونی طرفندن آمریقا کشف و امید برونسک دوری تاریخنه قدر سلطنت دریا و بناء علیه حاکمیت تجاریه - سابقا یونانستانه، فنیکیه، کارطاجیه اولدینی کبی - وندیک شهر و جمهوریتنه هاندی. وندیک، آدریاتیک دکزینک اقصاسنده کاش جهانگیر بر مملکتدر. بوبله عجیبه سائرلرینه بکزه من. اثنای زیارتده، شمالده، پترسبورغ، آمستردام و روتردام شهرلری بکا بر درجه یه قدر وندیکی خاطر لاشلردو.

شهر سکسان آطه اوزرینه مبنی اولوب بونلرده بشیور قدر کوپری ایله بربرینه باغلیدر. اوراده قنالر سوکاق مقامنه قائمدر. روایته نظراً (قیصر) زماننده بوراسی شهر اتحاد ایدلشدر. وندیک اختلافات متنوعه سی ایله مشهوردر. بو قصبه بر شکل منتظم اداری آلیر آلمان تجارتنی ده توسیع ایتش، و نفوذی هریره یاییلمشدر. [سان مارکو] کلیسای و [دوژ] لک [رؤسای جمهور] سرائی او عظمت سابقه یه یاد داشتلیدر. وندیک عینی زمانده، تاریخده بر جمهوریت تجاریه و عسکریه اولقی اوزره نظر دقتی جلب ایدیور. اهل صلیب محاربه سی ائناسنده وندیک کیلری صلیبیونی اما کن

[*] عربجه سی بنادق، بنادقه. آدریاتیک دکزی: البحر البنادقه، ترکیجه سی وندیک کورفزی.

مقدسه به نقل ایند کلرندن بوشهر فوق العاده اهمیت کسب ایتشدر. فقط ، داخله ، شهرک اداره سی ، اوزمانلر صولک درجه ده بر منظره فوضا (آتارشی) ارانه سندف خالی قالمیوردی . مجالس ، بیوک بر سرعتی شکل و تفسخ ایندیور . قوانین اساسیه دکیشیور . قوت و قدرت قرقلردن یوزلره La Signoria مجلسنه ، سناتویه منتقل اولیور . ۱۵۵۴ سنه لینه طوغری ظلم و اعتساف ، وندیکنده ، مرتبه قصواسنه واصل اولمشدر . بیوک مجلس ، او تاریخده ، اونلر مجلسنه رخصت ویره وک اوج اعضا انتخاب ایتدیرمشدرکه بونلرک بری [حکومت آنکیزیتوری] - بونلرک بی قوه ترهیییه و تفحص مأموری یولنده ترجه ایده بیلیرز - وظیفه سنی ایفا ایله مکلفدی . بو و دیگر مأمورین مدهشه نلک اقتدارلری نامحدود ایدی . هیچ کیمسه به قارشى مسئول اولدقلرندن قرارلری اصلا بر دیوان استیناف ویا تمیزک فسخ و نقضنه اوغرایه مازدی . فضل اوله رق بوزبانیلر حائز اولدقلری اقتدارى قسماً و یا کاملاً بشقه لینه ده دور ایده بیلیرلردی . خفیه لک ، جاسوسلق ، غمازلق ، او هنکامه لرده پلک زیاده ایلریلیدی . برخفیه بودجه سی موجود ایدی که بولایعد مأمورینه پاره ویریور . خفیه لرک اخباراتی هپ سراً وقوع بولوردی . هرکسک حق ووظیفه تجسس و اخباری واردی . زمانزده ، سوقاقلرده پوسته قوطولری ویا سوپروتی وضعنه مخصوص سپتر بولوندیگی کبی ، او وقتده ، ونديک سوقاق باشلرنده ، خفیه جورناللری ، اعضاسز اخبارنامه لری درونلرینه آتقی ایچون طونجیدن معمول قوطولر استعمال اولنوردی . هر طبقه اجتماعیه دن منتخب جاسوسلر کرک ونديک داخلنده ، کرک اجنبی عملکترلنده هرکسی وخصوصیه بربرینی اوزه تلیورلردی . انکیزسیون مأمورلرینک ، بونلرک کوردیکی ایشلرک ، بولوندقلری ، طولانلقلری یرلرک اسملری هپ سر ایدی . متهملر اسرار آلود بر صورتده جلب و محاکمه اولنورلردی . عقل وخیاله کله یین اشکنجه لر ، اذیتلر اجرا ، غریب ، غریب جزالر احداث و تطبیق ایدلدی . قوه عدلیه نلک پنجه سنده بولونمیان متهملری خفیا یاقه لقی ، تولدیرمک ، بوغازلق ، زهرملک ایچون محاکم ، مأمورین نصب ایدردی . شفعا فناجالده جزا کورورلردی . افرادک بردن بره میدانن غائب اولدقلری پلک زیاده واقع ایدی . بو مستکره اداره دن صرف نظر جمهوریتک تجارتی کوندن کونه بیویوردی . اونجی عصرده [راغوزا] به - تاریخ عثمانیده دوبرونیک - قدر دالماجیا ، ونديک ملکی ایدی . بوسایه ده تجارت مهم بخارج بولدی . اون برنجی عصرده ونديکلیلر آفریقا لیمانلرینه کیدوب کلدیلر ، اون ایکنجیده سوریه ، مصر و انکلترده قونسولوسخانه لر آجدیلر . اهل صلیب زماننده ایسه بوتاسع تجاری مرتبه کالنه وارمعدی . ونديکک جغرافیا وضعیتی پلک مستثنا اولدیغندن بوجهوریت شرقک ترقیاتندن مستفید اولدی . اوهنکاملرده أوروبا پلک غلیظ بر نادانی ایچنده یوارلندیغندن ونديکلیلر آنلرک بوحالندن زیاده سیله استفاده ده بولوندیلر . ونديکک سنجاقنی حامل اولان سفائن هر دکزده ، هر لیمانده کوریلورلردی . هر ساحله ونديکک تجارتخانه لری ، [فانتوریا] لری واردی .

اهل صلیبی نقل ایدن ایکیوز ونديک کیسی [صور] و [آسفالون] ی [عربجه سی عسقلان] ضبط ایتدی . ۱۲۰۳ ده ونديک ایله متفق اولان صلیبیون قسطنطنیه نی محاصره ایتدیلر . فرانسزلر و ونديکلیلر پلک بیوک شجاعتلر کوستره رک شهری آلدیلر . بومعظم و مطمئن سلطنتکاه یغما ایدلدی ؛ ونديکلیلرده ، فرانسزلرده پلک چوق غنیمته قوندیلر . جمهوریتک حصه سینه دوشن ۱۰۰,۰۰۰ آلتون لیرا ، ۵۰,۰۰۰ کوش لیرا ، پلک چوق اوانی ذی قیمت ، اسرا و جوارى و طونجیدن یاپیلمش قرق رأس بار کیردی . فتحندن صکره اراضی تقسیم ایدلدی . شهر درده بولونه رک بر ربکی انتخاب ایدیلن ایمبراطوره و متباقیسی فرانسز و ونديکلیلره ویرلدی . استانبولک نصفندن ماعدا شرق حکومتک مهمجه بر قسیمی و خصوصیه کندیلرینه پلک ایلویرشلی اولان بحر سفید آطه لری بونلره

اصابت ایتدی . [موره] ده بو میانه بولونیوردی . کرید آطه سنی [مارکی دو مونفرا] Marquis de Montferrat اون بیک کوش مارقه وندیک جمهورینه صادی . بو حساب ایله آدریاتیقدن قره دکز سواحله قدر بر جوق قطعات و خصوصیه پک اهمیتلی اولان آطه لر وندیکه بکیوردی . بو وضعیت ایله وندیکلر بروجه انحصار آسیانک تجارتنه صاحب اولدیلر . بو امتیاز وانحصار سایه سنده درکه شهر کیتدکجه زنکینلشدی .

بوندن اول ، ۱۳۳۷ ده وندیک جمهوری ایتالیا شبه جزیره سی اوزنده ده فتوحاته کیرشمشدی . اون بشنجی عصرده وندیک مستعمرات و مستملکاتی شو اوچ قلمی احتوا ایدیوردی :

۱ — [دوغادو] Dogado اطلاق اولونان دوقلق ، یعنی شهر و [لاغونا] Laguna دنیلن قنالر حوالیسی وجوارده کی نواحی (یعنی مادر وطن) ؛

۲ — قره الکالری یعنی [ترمویزا] ، [پادووا] ، [سیئنا] ، [وهرونا] ، [بره شیا] ، [برغمه] ، [قره ما] ، [راوه نا] ، الخ ؛

۳ — ممالک بحریه که بونلرده آتیده کی یرلردن عبارتدر :

[ایستریا] ، [دالماسیا] ، [دراج] داخل اولدینی حالده آرناؤدلفک برقسجه ، اشقودره لش [آله سیئو] ، قسماً موره [پاتراس] ، آرخوس ، نوبلی داخل] ، مع سلاویک قسماً ما کدونیا ، کرید ، آغریبوز آطه سی ، سائر بحرسفید جزاثری . بوالکالک مساحه سطحیه سی ۲۵,۴۰۰ میل مربعی و اووقتی نفوسلری ۳,۶۰۰,۰۰۰ تخمین اولونمقده در .

پک کوچوک برجهوریه مالک اولان و دائماً اختلالات ایچنده بولونان بوغریب شهر ، ایشته ، بویله جه ، عالمک الک مهم مواقعه جا کم اولیور و تجارت انحصارینه مالک بولوندیغندن آن بآن تزید سامان ایدیوردی . علی العاده دکلری قطع ایدنی سفائندن بشقه ، وندیک ، هر سنه غایت بیوک بش کاربان بحری تشکیل ایدیوردی . بومعظم فیلولرک دردی بحرسفیده ، بری اوقیانوس اطلسیده طولاشیردی .

بو تجارتک برکتیه درکه وندیک برمقر زینت و سفاهت اولدی . اون برنجی و اون ایکنجی عصرلرده وندیک خانملری آلتون و کوشدن معمول البسه لر کینیرلردی . کذلک اوزمانلر اقایت نادر و قیمتدار اولان قدیفه پی ده یالکز آنلر قوللانیرلردی .

بونلرک صاحب لری بر آلتون آغ ایچنده کیزلیردی . قوللانیدق لری مجوهرات ده حالا ، موزهلرده ، جالب حیرت بر موقع اشغال ایتمکده در . حالبوکه ایتالیا نک وندیکه جوار اولان ایالاتنده ، اوهنکاملرده ، فقر و ضرورت صوک درجه ده ایدی . روایت اولوندیقنه نظراً وندیکدن ۱۵۷۴ ده مرور ایدنی [اوجنجی هاتری] بی شهرک اک دلیرلردن اولق اوزره سه چیلن ایکوز قادین قبول ایتش که بونلرک هر برینک اوزرنده ۵۰,۰۰۰ دوقه آلتونی قیمتده مجوهرات بولونیورمش . ایشته نقل ایتدیکمز بو دبدبه و سامانی کشفیات مهمه بحریه زمانه قدر سوردی . اون بشنجی عصردن اعتباراً وندیک یواش یواش سقوط ایتدی . ایکنجی قدمیه این وندیکک موقع تجارتیسی اسپانیاه ، پورتوغاله ، صکره لری فلمنکه ، الهایه انکلتراهه کچدی . ایشته اوائنده ایدی که وندیکک الک مهم بندر تجارتیسی ، اک اساسلی نقطه استنادی اولان استانبول ترکارک ید قاتحانه سنه انتقال ایتدی . ینه او دورده وندیکک ایتالیا ده کی وضعیتی ده اسباب عدیده دن طولانی مختل اولدی . جمهوریت عادتاً فورطنه یه طوتلش برکمی حالنده قالدی . مع مافیه Condottieri اردوسی ایله مهاجره مقابله ایتدی . Agnadel [آغنادهل] محاربه سی جمهوریتک سقوطنه بادی اولدی . فقط ، بو سقوط ، قطعی اولدیغندن ، [پاویا] Pavia محاربه سندن صکره ، شارل کهن و برنجی فرانسوا آره شده کی ضدیتدن بالاستفاده

وندیک، مستملکات قدیمه سنی استراد ایتدی. لکن ۱۵۴۰ سنه لرینه طوغری شرقده کی نقاط و مستعمراتنک اک اساسلی و بیوک قسمی سلطان سلیمان اول طرفندن فتح ایدیلدی. بوسنه لر بارباروس خیرالدین و یتشیدیردیکي رؤسالتک الی پارلاق ادوارجلادت و مظفریتلرینه مصادفدر. پروزه محاربه سنده مشهور آمیرال [آندریادوریا] نیک مغلوبیتی ایله وندیکک شمشعه سی اندراس ایدیوردی. بوندن صکره — [له پانتوس] — یعنی اینه بختی — محاربه سی استثنا ایدیلیرسه — دکرلر اوستندده وندیک، حاکمیتنی فائباتش اولیور. دوره شکوهرلنده وندیکلیر (شیمدی انکلیزلرک اوقیانوسلرده یاقی ایستدکلری مثللو) هیچ برانجی بایراغنک آق دکرده نموجنه مساعده ایتلردی. هر راست کلدکلری کمی ضبط و طائفه سنی کورکه قورلردی. فقط صکره لری پورتوغال، اسپانیول، فلمنک، انگلیز کینلرینک (بحر مشروعلرنده) سربست سربست طولاشدقلمی برنظر یأس ایله کوردیلر. [سپالاتو] ده بر آجیق لیان احدات اولونمقله اون یدنچی عصرده وندیک تجاری برآز محافظه ایدیله بیلدی. فقط قندیه محاصره سی وندیکلینک قوت و نفوذینی بر باد ایتدی. کرک وندیک، کرک عثمانلی تاریخلرینک هر ایکسی ایچون ده یک پارلاق مناقبنی تشکیل ایدن بو محاربه دن بوراده بحث ایده جک دکلر. یالکر شوراسنی سویله دن کچمیه لم که علی التمادی بکرمی بش سنه سورن محاربه اثناسنده بتون اوروپانک نظر تقدیری وندیک اوزرینه توجه ایتشدی. بو حرب وندیکه ۱۲۶ میلیون دوقه آلتوننه یعنی یارم میلیر فرانغه اوتورمشدر. وندیک روانه نظراً یالکر قندیه محاصره سنده کندی طرفلرندن اوتوز بیگ، ترکلردن یوز سکنر بیگ ککشی تلف اولمشدر.

۱۶۸۷ ده آمیرال [موروزینی] ترکلردن [موزه] بی استرداد ایتدی؛ فقط [قارلوفچه] معاهده سی ایله تصدیق اولونان وندیک حقوقی ۱۷۱۸ ده [پساروفچه] معاهده سیله ینه ضایع و یونانستان صورت قطعیه ده ملک عثمانیه ضم ایدلدی.

بوندن صکره کی وندیکک ایام حیاتی تاریخ جدیده عائددر و عثمانلی تاریخی ایله یک اوقدر علاقه دار دکلر. ۸۹ انقلابی هنکاملرنده وندیک، جنرال یونابارته مفتوح اولدی. عاقبت اوستریایه، ۱۷۹۷ [قامپو فورميو] معاهده سیله، انتقال ایتدی. ۱۸۰۱ ده انکلتزه جزائر سیغه یونانییه قوندی. [سینیور مانین] وندیکک نمسه دن استخلاصی ایچون یک چوق چالشدی. اختلال و قیام براوزونی مدت دوام ایتدی. عاقبت الامر سورکلی عصیانلر، فتحر، محاربه لر، آبلوقه لر نتیجه سی اوله رق ایمپراطور — قرال [فرانسوا ژوزه ف] [صادووا] دن صکره شهری فرانسه یه، فرانسه ده عینی کونده اهاالینه تسلیم ایتدی. و النهایه ۱۱ تشرین ثانی ۱۸۶۶ تاریخلی وقرال ایکنجی [ویکتور امانوئل] امضالی براراده ایله وندیک ایتالیا قرالنی ایله برلشدی.

تاریخیمز سیاسیات اعتباریه براوزون مدت وندیک ایله برابر کیتدیکی کی بوجهوریتک حیات تجاریه و اقتصادیه مزه یک بیوک تأثیری طوقومشدر. لسانمزه — خصوصیه بحریه اصطلاحاتی اعتباریه — وندیک لهجه سیله اخذ و اعطاده بولومشدر. وندیک اسراسی، وندیک تابعیتنده بولونان ملل مخفیه دن آلان اسیرلر و قادیلرده عثمانلی قاننک شکل حاضرینی بوله سنده مدخله اردرلر. وندیکده [سان مارکو] کتبخانه سنده و میلانوده [آمبروزیانا] Ambrosiana، فیرنچه [فلورانس] ده [لورنچیان] Lorenziana، [مالیابه کینا] Magliabechina کتبخانه لرنده، ناپولیده [بوربونیکو] Borbonico موزه سنده، روماده واتیقان و [باربرینی] Barberini سرایلرنده، [ماریشا سوپرا مینه روا] Maria Sopra Minerva ده و بولونیاده [مارسیلی] Marsigli کتبخانه سنده بوجهوریتله اولان مناسبانمزه، و وندیک تجار و سفراسی طرفندن احوال عمومیه مزه دائر یازلمش بر چوق

اوراق ، کتب ، راپورلر ، مکتوبلر واردر . فی الواقع بونلرک اهمیتیلرینی [فون هاممر] کوزدن کچیرمش ایسه ده وثائق مزبورہنک برده بر ترک نقطہ نظرندن مطالعہ سی اقتضا ایدر . وندیکن ایچیلری استانبولدن صورت منتظمه وموقوتہده مرجعلرینہ راپورلر تقدیم ایدرلردی . کذلک بوتلر انفصال ویا مأذونیت طریقہ وطنلرینہ عودت ایتدکلری وقت سناتویہ برسالہ تقدیمہ مجبورایدیلر . بوراپور ورسالہلر یالکز احوال سیاسیہ وتجاریہ مزہم دکل ، حیات خصوصیہ مزہم ، رجالزک طور ومشوارینہ ، اک صمیمی صفحات حیات مزہم متعلق مباحثی ده مبذولاً محتویدر . بناءً علیہ قام بر تاریخ عثمانی یازیله بیلیمک ایچون وندیکن خزان کتبکک آلہ نوب طاراعسی اقتضا ایدر .

محول نور

هفته لقی تاریخ حرب و سیاست

[۱۰-۱۶ تشرین اول ۱۹۱۷]

شو سطرلری یازدیغمز صیراده ، متفق مہیمز آلمانیاکک بویوک قیصری حشمتلو ایکنجی (ویلہلم) حضرتلری ، عثمانیلرک پایتختہده مسافر بولونیورلر . شہریعزی اوتوز سنہک عہد سلطنتلرندہ ایکی دفعہ زیارت بویورمش اولان ایمپراطور ویلہلم حضرتلرینک بو صوک زیارتلری بوسبوتون یکی شرائط آلتندہ وقوعہ کلیور . بوکونکی تورکیہ ، اون سنہ اول بر انقلاب یاپان وحرب عمومیہ داخل اولہرق دنیاکک قوی اورردولریلہ اوموزاوموزہ سلاح آرقہ داشلفی ایدہن بر مملکتدر . ایمپراطور حضرتلری ، بوکون دوست و سوییملی بر حکومتہ دکل ، کندیلری طرفندن جوق زمان اول قیمت واهیتی جدی بر نفوذ نظرلہ تقدیر ایدلش وبوکوفی ، شوبادرق عظمادہ حق موجودیت واتقارینی سلاحیلہ طانیتمش اولان تورکیہ بہ محترم برمتفق صفتیلہ کلیورلر . بو عادی بر حادثہ دکل ، اہمیتلی بر وقعہ تاریخیہدر . دنیاکک قوی ملتکک ذی دما و فطانت ، متین وعزمکار بویوک حکمدارینی آرامزده حرازلہ سلاملارکن ، بو زیارتک دلالت ایتدیکی معنای مہمی ، تورکیہکک حلقہ دولہدہ احراز ایلہدیکی وقع وقدرتی ده ممنونانہ ومفتخرانہ قید ایدہرز .

مالیہ نظارتیجہ غزتلہرہ تبلیغ ایدیلن برجدولہ نظراً مأمورینہ ارزاق توزیعی قانونی موجبنجہ بو آی طرفندہ مأمورینہ معاشرلی نسبتندہ اولاق اوزرہ ، ات ، قوری سبزہ ، بولغور ، وزیتون یافندن عبارت دوت قلم ارزاق توزیع ایلہجکدر . مأمورینکک تحمیلوز بر شکل آلان احتیاجاتی خیلی تخفیف ایلہجک بو توزیعاتک شو کونلردہ اجرایی مقرردر .

صلح مسئلہ سی ہر برده ، ہر کسی مہفول ایدیور . صلح نہ وقت و نہ شکلہ عقد ایلہجک؟ کوریلورکک ائتلاف حکوماتی صلحہ مستعد دکلدلر . بونلر اویلہ جیقماز بر یولہ کیردیلرکک کندیلرندہ اویوشمغہ اصلاً بر جسارت قلمادی . علمای اقتصاد ، ازجلہ [شارل ژید] ، اخیراً قلمہ آلدیقی مقالاتدہ بتون دولتلرکک بر کرداب مالیہ طوغری یووارلاؤوب کیتمکدہ اولدقلرینی سویلیور . حرب او قدر مصارفی ومسخرضاتی استلزام ایتدی کہ بوندن بویلہ اولانجہ استحصالات بشریہ دکل ، حتی جہانک ثروت موجودہ سی بیلہ آنلرکک فائضہ ورأس المال سہرویلرینہ یتیمیہجک .

دیگر طرفدن اجتماعیون ادعا ایدیورلرکک ، کندیلرندہ مصالحہ ومسالمتہ جسارت کورہمیبہ مننادی . بر انقلاب اجتماعی بہ سبب اولیورلر . حرب ، حقوق دول وقاریغ کتابلرندہ مندرج اشکال وامثالہ نظراً دکل ، بر بحران اجتماعی ایلہ نہایت بولہجق . و اوروپانکک صفحہ اجتماعیہ و بناءً علیہ شکل اقتصادی بتون بتون دہ کیہہجک . سوسیالیستلر ، ائتلاف عمالکندہده ، روسیہده اولہبانی کی